

## Naqqiut

Siunnersuut 13. august 2019-imeersq taarserpaa

### Tungavilersuut

Inatsisissamut siunnersuummi kalaallisut oqaasertaani oqaatsit ataasiakkaat naqqinneqarput.

**Uunga siunnersuut: Piniarneq aallaaniarnerlu pillugit Inatsisartut inatsisaat nr. xx, xx. xxx 2019-imeersq**

## Kapitali 1

*Atuuffia, siunertaq, nassuiaatit aamma oqartussaasut pillugit aalajangersakkat  
Inatsisartut inatsisaata atuuffissai*

§ 1. Inatsisartut inatsisaat nunami imaanilu aalisarnikkut Kalaallit Nunaata oqartussaaffigisaani piniarnermut aallaaniarnermullu atuuppoq.

*Inatsisartut inatsisaata siunertaa*

§ 2. Piniagassat isumalluutit pissusissamisoorumik uumasooqassutsimullu illersorneqarsinnaasumik atorneqarnissaasa qulakkeerneqarnissaat Inatsisartut inatsisaanni siunertaavoq. Inatsisartut inatsisaata aqutsivigineqarnerani pingaartinneqassapput:

- 1) piniagassat piujuartinnissaat aamma kinguaassiortuarnissaat,
- 2) nalinginnaasumik uumassusilinnik misissuisut siunnersuinerat naapertorlugu isumatumik ukiullu qanoq ilinera naapertorlugu pitsaanerpaamik atuinissaq,
- 3) piniarnermik inuussutissarsiuteqarnermi inuussutissarsiutinilu tassunga attuumassuteqartuni aningaasaqarnikkut sulisoqarniarnikkullu tunngasut mianerinissaat,
- 4) inuussutissarsiornikkut soqutigisaqaqatigiit allat,
- 5) innuttaasut sukisaarsaarfeqarnissamik pisariaqartitaat aamma
- 6) nunanut allanut, nunap immikkoortuinut aamma nunat tamalaat akornanni isumaqatigiissutit.

*Imm. 2.* Piniarnermut aallaaniarnermullu tunngasunik aqutsinermut atatillugu ilaatigut kattuffiit attuumassuteqartut kiisalu Piniarnermut Siunnersuisoqatigiit aqutigalugit piniartut atuisullu ilisimasaannik ilanngussisinnanissaq pingaartinneqassaaq.

*Imm. 3.* Piniarnermut aallaaniarnermullu tunngasunik aqutsinermut atatillugu piniartut atuisullu ilisimasaannik ilanngussisinnanissaq pillugu maleruagassanik ersarinnerusunik Naalakkersuisut aalajangersaasinnaapput, tak, imm. 2.

*Nassuiaatit*

§ 3. Inatsisartut inatsisaanni uku imatut paasineqassapput:

- 1) "Aqutsineq": Uumasunik pisassiiffiusartunik agguaaassineq agguaaasseqqinnerlu imaluunniit uumasunik pisassiiffiusanngitsunik kiisalu piniarnermut uppersaatitinnik tunniussisarneq aamma pisarisimasat pillugit nalunaarutit tiguneqarnerannik aqutsineq Namminersorlutik Oqartussat kommunillu isumagisarpaat.
- 2) "Inuiaqatigiinnik sullissineq": Kalaallit Nunaanni Namminersorlutik Oqartussat inuiaqatigiinnik kiffartuussineq pillugu nalunaarutaannut naapertuuttumik paasineqassaaq.
- 3) "Piniarnermi aallaaniarnermilu peqataaneq": Inuk kinaluunniit aallaammik imaluunniit piniummik allamik nammineq iliuuseqarnikkut atuinikkullu uumasunik nikeriarsinnaajunnaarsitsisoq, ikiliisoq toqutsisorluunniit.
- 4) "Inuussutissarsiutigalugu piniarneq aallaaniarnerlu": Piniarneq aallaaniarnerlu, pisap tamakkerlugu ilaannaataluunniit tuniniarnissaa kiisalu pisap ilaata imminut pilersornermut atornissaa siunertaralugit ingerlanneqartoq .
- 5) "Piniarnermut aallaaniarnermullu atortulersuutit": Atortulersuutit akuerisaasut, uumasup toqunnissaa siunertaralugu piniarnermi aallaaniarnermilu atorneqartartut.
- 6) "Angallat" imaluunniit "qamutit nunakkoortit": Suulluunniit imaatigut, nunakkut silaannakkulluunniit assartuutit, piniarnermut, aallaaniarnermut aalisarnermullu atatillugu imaluunniit piniariarfissamukarnermi piniariarfissameereerermilu assartuutit atorneqartut.
- 7) "Kalaallit Nunaanni inuiaqatigiinnut aalajangersimasumik attuumassutilik": Inuk kinaluunniit ukiumi ullorsiuteqarfiusumi qaammatit arfinillit sinnerlugit Kalaallit Nunaanniitoq, Kalaallit Nunaannut akileraartussaataavoq kiisalu Kalaallit Nunaanni aalajangersimasumik najugaqarluni.
- 8) "Ingerlatsineq": Uumasut piniakkat pisassiiffiusartut aamma pisassiiffiusanngitsut pillugit aalajangiisoqarsimatillugu, Namminersorlutik Oqartussat kommunillu pingaarnertut ingerlatsineq isumagisarpaat.
- 9) "Sunngiffimmi piniarneq aallaaniarnerlu": Piniarneq aallaaniarnerlu pisap nammineq atorneqarnissaa siunertaralugu ingerlanneqartarpoq.
- 10) "Ataatsimoorluni piniarneq": Pisat piniartut arlaqartut peqataaffigisaat, akuersissut ataatsimoorussaq imaluunniit inummut namminermut atugassiaq atorlugu.
- 11) "Akuersissut" aamma "akuersissuteqarneq": Uumasunik aalajangersimasunik piniarnissamut aallaaniarnissamullu immikkut ittumik akuersissut, inummut angallammulluunniit ataatsimut Naalakkersuisunit tunniunneqarsimasoq.
- 12) "Pingaarnertut tunisassiortoq": Inuk kinaluunniit pingaarnertut tunisassiornermik isumaginnittoq, ima paasillugu, uumasunik nujuartanik piniagassanik piniarnermi aallaaniarnermilu pisanik tunisassiortoq. Matumani nioqqutissiat nutaat, taakku inaarlugit tunisassiarineqannginneranni, inunnit nerineqartussat pineqarput.
- 13) "Uumasut ajornartorsiutaasut": Uumasut kiisortut, qimaasaarneqartaraluarlutik nunap immikkoortuinut inoqarfiusunut takkuttartut, inunmut aamma immikkut aningaqaarnikkut nalilinnik pigisanik ulorianartorsiortitsisinnaasut.

*Oqartussaasut pillugit aalajangersakkat*

§ 4. Inatsisartut inatsisaanni matumani aalajangersakkat malinneqarnersut Naalakkersuisut nakkutigissavaat.

*Imm. 2.* Inatsisartut inatsisaat una malillugu Naalakkersuisut ingerlatsinermut oqartussaaffiik tamakkiisuusumik ilaannakortumilluunniit kommunalbestyrelsinit tunniussisinnaanerit pillugu Naalakkersuisut maleruagassanik aalajangersaasinnaapput.

§ 5. Kalaallit Nunaanni Aalisarsinnaanermut Akuersissutinik Nakkutilliisoqarfiup, nakkutilliinermut oqartussaasutut, Inatsisartut inatsisaanni kapitali 7-imi aalajangersakkat eqquutsinneqarnersut nakkutilliiffigisarlutillu misissuiffigisarpai.

*Imm. 2.* Kalaallit Nunaanni Aalisarsinnaanermut Akuersissutinik Nakkutilliisoqarfiup saniatigut nakkutilliisussanik allanik Naalakkersuisut toqqaasinnaapput.

## **Kapitali 2**

*Piniarsinnaanissamut aallaaniarsinnaanissamullu piunasaqaatit.*

### *Akuersissut*

§ 6. Piniarneq aallaaniarnerlu inunnit taakkununga akuersissutaateqartunit taamaallaat ingerlanneqarsinnaapput. Akuersissut inuussutissarsiutigalugu piniarnermut allagartamik imaluunniit sunngiffimmi piniarnermut allagartamik peqartunut tunniunneqartarpoq, taamaattorli tak. § 16.

*Imm. 2.* Piniarnermut allagartanik tunniussisarnermut akisussaaffik Naalakkersuisut kommuninut tunniussinnaavaat.

### *Inuussutissarsiutigalugu piniarnermut allagartaq*

§ 7. Inuussutissarsiutigalugu piniarnissamut aallaaniarnissamullu akuersissut, inunnt 15-inik ukioqalereersimasunut taamaallaat tunniunneqarsinnaavoq aamma taanna:

- 1) Kalaallit Nunaanni inuiaqatigiinnut aalajangersimasumik attuumassuteqarpoq,
- 2) Kalaallit Nunaanni aalajangersimasumik najugaqarpoq aamma qaammatini kingullerni 24-ni Kalaallit Nunaanni aalajangersimasumik najugaqarsimavoq,
- 3) Kalaallit Nunaannut tamakkiisumik akileraartussaataavoq aamma ukiuni ullorsiateqarfiusuni kingullerni marlunni Kalaallit Nunaannut tamakkiisumik akileraartussaataasimavoq.
- 4) Inuk pineqartoq nunap immikkoortuani ingerlatsiviusumi inuuniutigalugu piniarnermini aallaaniarnerminilu, piniarnermut aallaaniarnermullu atortulersuutinik pisariaqartunik pissarsisinnaavoq, aamma
- 5) pineqartup isertitaasa tamarmiusut ikinnerpaamik 50 %-ii, piniarnermit, aallaaniarnermit aalisarnermillu isertitanit tamarmiusuneersuupput, taamaattorli tak. § 8, nr. 1-4.

§ 8. Pineqartup isertitaasa tamarmiusut nalilersuiffigineranni pissutsit tulliuttut ilanngunneqassapput, tak. § 7, nr. 5:

- 1) Angallatit 25,5 meteri tikillugu takissusillit atorlugit aalisarnermit isertitat tamarmiusut, piniarnermit, aallaaniarnermit aalisarnermillu isertitat tamarmiusut nalunaarsornerannut ilanngunneqassapput.
- 2) Isertitat tamarmiusut, akiliisitsilluni tammajuitsussarsiniarlunilu aaqqissuussamik aallaaniartitsinermut imaluunniit akiliisitsilluni aallaaniartitsinermut atatillugu angallassisutut sulinermeersut, taamatutaaq piniarnermit, aallaaniarnermit aalisarnermiillu isertitat tamarmiusutut nalunaarneqassapput.
- 3) Inuussutissarsiutigalugu piniartutut inuussutissarsiornermut attuumassuteqartumik takornariartitsinermit imaluunniit pinngortitami misissuinermit ilisimatusarnermulluunniit atatillugu sullissinernit isertitat, piniarnermit, aallaaniarnermit aalisarnermillu isertitat tamarmiusut nalunaarsornerannut imaluunniit isertitat tamarmiusut tamakkerlugit nalunaarsornerannut ilanngunneqassanngillat.
- 4) Inuiaqatigiinni suliassaqartitaanermit aningaasarsiat, inuussutissarsiutigalugu piniartut kattuffiini peqatigiiffiinilu siulersuisuni sulinermit aningaasarsiat kiisalu Naalackersuisuni ilaasortaanermi ajunngitsorsiat imaluunniit kommunefogeditut aningaasarsiat, piniarnermit, aallaaniarnermit aalisarnermiillu isertitat tamarmiusutut nalunaarsorneqartussaannngillat imaluunniit isertitat tamarmiusutut tamakkiisuusutut nalunaarsorneqartussaannngillat.

*Sunngiffimmi piniarnermut allagartaq*

§ 9. Sunngiffimmi piniarsinnaanermut aallaaniarsinnaanermullu akuersissut inunnut aqqaneq-marlunnik ukioqalereersimasunut Kalaallit Nunaannilu aalajangersimasumik najugaqartunut tunniunneqarsinnaavoq.

*Inuussutissarsiutigalugu aamma sunngiffimmi aallaaniarsinnaanermut allagartamut immikkut ittumik akuersissut*

§ 10. Naalackersuisut piunasaqaatinit tulliini allanneqartunit immikkut ittumik akuersissuteqarnissaq nalunaarutigisinnaavaat:

- 1) §-it 7 aamma 8 kiisalu § 9, inuk pineqartoq piffissani taaneqartuni ilinniarnermik assigisaannilluunniit peqquteqartumik Kalaallit Nunaata avataaniikkallarsimappat imaluunniit qinnuteqartup Kalaallit Nunaannut attuumassuteqarnera naammaginartutut nalilerneqarpat.
- 2) § 7, nr. 5 aamma § 8, inunnut manna tikillugu pingaarnertut inuussutissarsiuteqarsimangitsunut.
- 3) § 7, nr. 5 aamma § 8, isertitat amerlassusissaat pillugu piunasaqaatit eqquutsinneqannginnerinut sunneeqataasut pissutsit immikkut ittut atuussimanerat uppersarneqarsinnaagaangat.
- 4) § 7, nr. 5 aamma § 8, inunnut siusinnerusukkut piniarnermik, aallaaniarnermik aalisarnermillu pingaarnertut inuussutissarsiornikuusunut, aallaaniarnermik pillugu qarasaasiami toqqorsivimmi digitalinngorlugi uppersarneqarsinnaasut.

*Isumaginninnikkut suliffeqarfinnut atuarfinnullu immikkut ittumik akuersissutit*

§ 11. § 7-imi aamma 9-mi aalajangersakkanit Naalackersuisut isumaginninnikkut suliffeqarfimmut immikkut ittumik akuersissummik tunniussisinnaapput, suliffeqarfiup inunnik perorsaaneramik suliaqarnerani piniarneq aallaaniarnerlu periutsit ilaattut atorneqarsimappat aamma atuarfinnut piniarneq aallaaniarnerlu atuartitsinerup ilaattut pingaaruteqartutut ilaappata. Aalajangersagaq una malillugu immikkut ittumik akuersissummik inuussutissarsiutigalugu imaluunniit sunngiffimmi aallaaniarsinnaanermut allagartamik tunniussinermi, uumasunik pisassiiffiusartunik aallaaniarsinnaaneq Naalackersuisut killiliivigisinnaavaat mattussinnaalluguluunniit.

*Imm. 2.* Inatsisartut inatsisaat una naapertorlugu maleruagassat tunniunneqartut peqataasuniit eqquutsinneqarnissaat suliffeqarfimmi atuarfimmiluunniit pineqartumi aqutsisut akisussaaffigaat.

#### *Akuersissut*

§ 12. Uumasunik assigiinnik assigiinnigitsunilluunniit piniarneq aallaaniarnerlu piunasaqaateqarfiusinnaavoq, inuup pineqartup taama iliornissamut akuersissummik peqarnissaanik imaluunniit inuit pineqartut taama iliornissamut akuersissummik peqarnissaannik.

*Imm. 2.* Piniarnermut allagartamik atuuttumik qinnuteqartumut aamma aqutsiveqarfimmi inuit allattorsimaffianni najugaqartumut, kommuni pineqartoq akuersissutinik tunniussillunilu agguaassisinnaavoq. Taamaattorli uumasut aalajangersimasut ilaanngitsoorsinnaapput.

*Imm. 3.* Aalajangersagaq imm. 2-miittoq apeqqutaatinnagu, aqutsiveqarfimmi pineqartumi pisassiissutit killilersugaanngippata, pisuni immikkut ittuni akuersissummik qinnuteqartoqarnera malillugu aqutsiveqarfimmi allani inuit najugaqartut aqutsiveqarfimmi piniarsinnaanerat, Aalisarnermut, Piniarnermut Nunalerinermullu Naalackersuisoqarfiup akuerisinnaavaa.

*Imm. 4.* Uumasunut pisassiiffiusartunut akuersissutinik agguaassinermi piniutinik angallatinillu pisariaqartunik peqartoqarnissaanik Naalackersuisut piunasaqaateqarsinnaapput.

§ 13. Uumasunik pisassiiffiusartunik piniarnissamut aallaaniarnissamullu akuersissutit, inunnut 15-inik ukioqalereersunut inuussutissarsiutigalugulu piniarnermut allagartanik peqartunut qinnuteqarnerup kingorna tunniunneqarsinnaapput.

*Imm. 2.* Qinnuteqaatinut tiguneqarsimasunut sanilliullugu kommunimi ataatsimi uumasut pisassiiffiusartut piniarnissaannut akuersissutinik ikinnerusunik peqartoqarsimappat, tulleriiaarineq malillugu agguataarineq ingerlanneqassaaq tassanilu siornaammat pisat kiisalu akuersissutit atunngitsuukkat ilanngullugit nalilersorneqassapput. Tamatuma agguaassineq aalajangiiffigisinnaanngippagu, akuersissutit makitsissutigineqarsinnaapput.

*Imm. 3.* Aqutsiveqarfimmi isorartuuni akuersissutit arlaqartut piniartunut ataasiakkaanut tunniussorneqarsinnaapput, piniarneq imminut akilersinnaasunngortikkumallugu.

*Imm. 4.* Makitsinermut atatillugu, tak. imm. 2, utaqquisut allassimaffiat pingaarnersiorfusimasoq akuersissutinillu agguaasseqqinnermi atorneqartoq malillugu akuersissutinik tunniussisartutut oqartussaasoq makitsissaaq.

*Imm. 5.* Kikkut tamarmik makitsineq malinnaavigisinnaatitaavaat, tak. imm. 2. Makitsinissaq kingusinnerpaamik sapaatip akunneranik sioqqullugu akuersissutinik tunniussisartutut oqartussaasup pineqartup, makitsinissap qanoq pinissaa sumilu ingerlanneqarnissaa tamanut saqqummiutissavaa.

*Imm. 6.* Uumasunik pisassiiffiusartunik inuussutissarsiutigalugu piniarsinnaanermut aallaaniarsinnaanissamullu akuersissutinik agguaassisarnermut maleruagassat ersarinnerusut Naalakkersuisut aalajangersarsinnaavaat.

**§ 14.** Uumasunik pisassiiffiusartunik sunngiffimmi piniarsinnaanermut aallaaniarsinnaanermullu akuersissutit, qinnuteqarnerup kingorna inunnut 15-inik ukioqalereersimasunut Kalaallit Nunaannilu aalajangersimasumik najugaqartunut, qinnuteqarnerullu nalaani ukiuni kingullerni marlunni aalajangersimasumik najugaqareersimasunut tunniunneqarsinnaapput.

*Imm. 2.* Aalajangersagaq imm. 1-imiittoq apeqqutaatinnagu, uumasunik pisassiiffiusartunik sunngiffimmi piniarsinnaanermut aallaaniarsinnaanermullu akuersissut qinnuteqarnerup kingorna inunnut tunniunneqarsinnaavoq, inuk taanna:

- 1) Kalaallit Nunaanni aalajangersimasumik najugaqarsimappat aamma
- 2) piffissaq qinnuteqarfik sioqqullugu ukiuni qulini kingullerni sivikinnerpaamik ataavartumik ukiuni marlunni Kalaallit Nunaanni aalajangersimasumik najugaqarsimappat.

**§ 15.** Piniarnermut allagartanik akuersissutinillu tunniussisarneq, pissarsiniartarneq aamma tammaasarneq pillugit ersarinnerusunik maleruagassanik Naalakkersuisut aalajangersaasinnaapput. Tamatuma saniatigut akuersissutinik aamma piniarnermut allagartanik tunniussinermut akiliuteqartoqarnissaa Naalakkersuisut piumasarisinnaavaat.

*Imm. 2.* Akuersissummi piumasaqaatinik unioqqutitsineq imaluunniit Inatsisartut inatsisaanni uani aalajangersakkanik imaluunniit taanna naapertorlugu maleruagassanik tunniunneqartunik unioqqutitsineq, akuersissutip atorneqarsinnaanerata killiliiffigineqarneranik kinguneqarsinnaavoq kiisalu pisuni ilungersunartuni imaluunniit pisuni iliuuserisimasanik uteqattaariffiusuni akuersissut atorunnaarsinneqarsinnaavoq.

*Imm. 3.* Naalakkersuisut maleruagassat imm. 1-imiittut malillugit tunniussinermut atatillugu aalajangiisinnaanermut pisinnaatitaanertik kommunalbestyrelsimut tunniussinnaavaat, tak. §-it 7 aamma 9.

*Imm. 4.* Akiligassap akilerneqarnissaa pisimangippat, tak. imm. 1, akuersissutip atorneqarsinnaanerata killiliiffigineqarnera pisinnaavoq kiisalu pisuni ilungersunartuni imaluunniit pisuni iliuuserisimasanik uteqattaariffiusuni akuersissut atorunnaarsinneqarsinnaavoq, taamatuttaaq akiligassamik akileereertoqartinnagu akuersissut nutaaq tunniunneqarsinnaanngilaq.

*Akiliisitsilluni aallaaniartitsineq*

§ 16. Inuit piniarnermut aallaaniarnernullu peqataarusuttut, §-ini 7-mi 9-milu ilaanngitsut, pinarnernut aallaaniarnernullu suugaluartunulluunniit immikkut akuersissummik peqassapput. Aallaaniarsinnaanermut pisinnaatitsissut, akiliuteqarluni aallaaniartitsinikkut pissarsiarineqarsinnaavoq.

*Imm. 2.* Inuit §-imi 7-mi aamma 9-mi pineqartut kisiannili Inatsisartut inatsisaat una naapertorlugu maleruagassat tunniunneqartut malillugit uumasunik aallaaniarnissamut akuersissummik pissarsisimanngitsut, aallaaniarsinnaanermut pisinnaatitsissummik pissarsisinnaapput, inuit imm. 1-imut ilaasut assigalugit.

*Imm. 3.* Naalakkersuisut akuersissutinik imm. 1-2-mi taaneqartunik tunniussinermut atatillugu akitsuummik akiliuteqartoqarnissaanik piumasaqaateqarsinnaapput. Akitsuutip angissusissaa Inatsisartut inatsisaat aqutigalugu aalajangersarneqassaaq.

*Imm. 4.* Imm. 1-2-mi akuersissutinik taaneqartunik tunniussisarneq, pissarsiniartarneq aamma tammaasarneq pillugit ersarinnerusunik maleruagassanik Naalakkersuisut aalajangersaasinnaapput.

*Imm. 5.* Aallaaniarnerit ilaat aatsaat akiliisitsilluni aallaaniartitsisartooq akuerisaasoq peqatigalugu ingerlanneqartassasut Naalakkersuisut piumasarisinnaavaat.

*Imm. 6.* Akiliisitsilluni aallaaniartitsisartutut akuerineqarnissap angunissaa annaasarnerilu pillugit maleruagassanik ersarinnerusunik Naalakkersuisut aalajangersaasinnaapput, matumani akiliisitsilluni aallaaniarnermi ilisimasortanik atuisarneq akuersisarnerlu ilanngullugit.

*Imm. 7.* Imm. 4 malillugu maleruagassanik saqqummiussinermut atatillugu allaffissornikkut ingerlatsinerup pisariaqartup isumagineqarnissaa kommuninut Naalakkersuisut peqqussutigisinnaavaat taamatuttaaq suliffeqarfiit takornariatitsinermilu peqatigiiffiit ingerlatsinermik isumaginninnissaannik Naalakkersuisut pisinnaatitsisinnaapput.

### *Aallaaniarsinnaanermut misilitsinneq*

§ 17. §-it 7, 9 aamma 16 malillugit aallaaniarnissamut allagartamik pissarsinissamut piumasaqaatit aallaaniarsinnaanermut misilitsinnerup ingerlannissaa pillugu aalajangersakkamik Naalakkersuisut aalajangersaasinnaapput.

*Imm. 2.* Aallaaniarsinnaanermut misilitsinerup ingerlannissaanut akiliuteqartoqarnissaa Naalakkersuisut piumasarisinnaavaat.

*Imm. 3.* Imm. 1 malillugu maleruagassanik saqqummiussinermut atatillugu allaffissornikkut ingerlatsinerup kommuninit isumagineqarnissaa Naalakkersuisut piumasarisinnaavaat.

### **Kapitali 3**

*Eqqissisimatitsineq, piujuaannartitsiniarluni teknikikkut iliuutsit, atuineq il.il.*

*Eqqissisimatitsinermik, piniarnermik aallaaniarnermillu maleruagassiornermi iliuuserineqartut*

§ 18. Piniarnermik aallaaniarnermillu malittarisassiorneq pillugu iliuusissat Naalakkersuisut ingerlassinnaavaat matumani maleruagassat aalajangersaaffiginerat ilanngullugu makku pillugit:

- 1) Piffissat eqqissimatitsiffiusut aamma nunap immikkoortui piniarfigeqqusaanatillu aallaaniarfigeqqusaanngitsut kiisalu taakkunani eqqissimatitaasuni angalanerusinnaasut.
- 2) Piniarnerup aamma piniarnermik ingerlatsinerup inerteqqutaanera imaluunniit killiliiffiginera.
- 3) Piffissaq aamma nunap immikkoortui eqqarsaatigalugit pisarinqarsinnaasut amerlassusissaannik agguataarinq.
- 4) Ukioqatigiiat, kommunit, aqutsiveqarfiit, angallatit ataatsimoortut, angallatit ataasiakkaat imaluunniit piniarnermut atortut piniariaatsillu malillugit pisarinqarsinnaasut amerlassusissaannik agguanneqarnissaannillu §-ini 7, 9 aamma 16 naapertorlugit piniakkanut suussusersisanut pisassiissutaasut ersarinnerusumik aalajangersarneqarnerat.
- 5) Piniakkat angissusaat, utoqqaassusaat suaassuseqarnerallu.

*Piniakkat sorliit aallaaniarneqarnissaannut piumasaqaatit*

§ 19. Piniakkat sorliit aallaaniarneqarsinnaanerannut piumasaqaatit pillugit maleruagassat Naalakkersuisut saqqummiussinnaavaat:

- 1) Inunnut §-it 7, 9 aamma 16 naapertorlugit piniakkanut suussusersisanut piumasaqaatinik eqquutsitsisunut, piniakkanik ataasiakkaanik aalajangersimasunik piniarsinnaanerat pillugu piumasaqaatit ersarinnerusut aalajangersaaffiginerat.
- 2) Piniarnermi atortunik, piniutinik aamma piniarnermi atortulersuutinik ilusilersuineq atuinerlu kiisalu angallatinik nunakkoorutinillu, aallaasit imassaasa suunerinik imaluunniit piniariaatsinik atuneq.
- 3) Angallatinik nunakkoorutinillu, atortunik, atortut ilusaannik, aallaasit imassaasa suunerinik imaluunniit piniariaatsinik aalajangersimasunik atuinissamut inerteqquteqarneq killilersuinerlu.
- 4) Piniarnermi aallaaniarnermilu ileqqorissaarnissamut malittarisassat.

*Imm. 2.* Pisat nalunaaqutsernissaat pillugu maleruagassanik Naalakkersuisut aalajangersaasinnaapput, matumani ilaatigut aqqissuussinermik isumaginninneq, nalunaaqutsiissutit atorineqarnissaannut periutsit aamma nalunaaqutsiinnissamik pisussaaffeqarnerup eqquutsinneqannginneranni kinguneqaataasussat ilanngullugit. Nalunaaqutsiisarnerup atorineqarnissaa pillugu maleruagassat saqqummiunneqarsimappata, nalunaaqutsiissut ikkunneqarsimasoq uppernarsaatitut ilaassaaq, tak. § 21, imm. 4 aamma 5.

*Uumasunik pissatanik toqutsineq*

§ 20. Uumasup eqqorneqarluni aallaaneqarnermi kingunitsianngua toqunissaa piniartup qulakkeertussaavaa.

*Imm. 2.* Inuk piniarnerup aallaaniarnerullu nalaani uumasumik pissataqartoq, sapinngisamik piaarnerpaamik uumasumik toqutsinissaminut pisussaataavoq.



*Imm. 3.* Uumasooq pissataq naneqqinneqanngippat toqunneqarlunilu piniarnerup naammassineranut atatillugu piniartoq pissutsit piviusut pillugit Aalisarnermut, Piniarnermut Nunalerinermullu Naalakkersuisoqarfimmut imaluunniit nakkutilliisutut oqartussaasumut nalunaaruteqartussaavoq.

*Imm. 4.* Inuk uumasumik allap pissataanik sulilu uumasumik takunnittoq, sapinngisamik uumasumik toqutsissaaq.

Piffissap piniarfiusup avataani toqutsineq pisimappat, uumasooq toqutaq piffimmut qimanneqassaaq. Pisup ingerlarna pillugu Aalisarnermut, Piniarnermut Nunalerinermullu Naalakkersuisoqarfimmut imaluunniit nakkutilliisutut oqartussaasumut nalunaaruteqarnissamik takunnittoq pisussaaffeqarpoq.

### *Pisanik atuineq, tunisineq tuniniaanerlu*

**§ 21.** Kommuni imaluunniit nunaqarfiup allaffiani akuersissummut pizarisat naqissuserlugit nalunaarsorneqareersimatinnagit, najukkami kalaalimineerniarfimmi tuniniaaffinniluunniit allani uumasunik pisassiiffiusartuniit pisat tuniniaqqusaanngillat.

*Imm. 2.* Tuniniaaqinnermi kissaateqartoqarneratigut pisap oqartussaasunit eqqortunit nalunaarsorneqarsimaneranik takutitsisumik uppersaammik takutitsisoqarsinnaassaaq, tak. imm. 1.

*Imm. 3.* Suliffinnut, atorfeqarfinnut neriniartarfinnulluunniit toqqaannartumik tunisineq inuussutissarsiutigalugu piniartunit inuussutissarsiutigalugulu piniarnermut allagartamik pigisaqartunit pisaqarnissamullu akuersissummik naqissusikkamik peqartunit taamaallaat ingerlanneqarsinnaavoq.

*Imm. 4.* Suliffeqarfiit, paaqqinnittarfiit neriniartarfillu, tak. imm. 3, neqi inuussutissarsiutigalugu piniartunit inuussutissarsiutigalugulu piniarnermut allagartamik pigisaqartunit pisaqarnissamullu akuersissummik naqissusikkamik peqartunit pisiasooq uppersarsinnaassavaat.

*Imm. 5.* Uppersarsaat, takuuk imm. 4, tassaavoq pisinermut uppersarsaat atsiorsimasooq inuussutissarsiutigalugu piniarnermut allagartap pisaqarnissamullu akuersissutip naqissusersimasup assilineranik ilalik.

*Imm. 6.* Inuussutissarsiutigalugu piniarnermut allagartamik pisaqarnissamullu akuersissummik naqissusikkamik peqartut inuit kisimik uumasup mattaanik, orsuanik, amianik, niaquanik, nassuinik, saarniginik, kukiinik, kigutaanik aqajaruanilluunniit tunisisinnaapput tuniniaasinnaallutilluunniit. Pisap ilaanut ataasiakkaanut allagartaaq akuersissutip normuanik allaffigineqarsimasooq qilerunneqarsimassaaq. Taamaattoq uppersaammik imm. 4-mi taaneqartumik peqarsimagunik pisiniarfiit il.il. pisat ilaannik tuniniaaqqissinnaapput.

*Imm. 7.* Unioqutitsilluni pizarineqarsimasup uumasup mattaanik, orsuanik, amianik, niaquanik, nassuinik, saarniginik, kukiinik, kigutaanik aqajaruanillu kiisalu avataanik allanik pisineq tunissutisinerlu inerteqqutaapput.

§ 22. Inuussutissarsiutigalugu piniarnissamut akuersissummi, uumasup pisap iluitsup ilanngarsimasulluunniit tuniniarnera, uumasut nakorsaqaarfianit akuerisaasumi, neqaarniami imaluunniit tunitsiviusumi ingerlanneqassasoq imaluunniit inuussutissarsiutigalugu piniartooq tunisinissamut akuersissummik atuuttumik peqassasoq piumasaqaatigineqarsinnaavoq.

*Imm. 2.* Sunngiffimmi aallaaniartartut tunisisinnaanerit aamma kalaalimineerniarfimmi tuniniaasinnaanerat pillugit kommunit ataasiakkaat aalajangersaasinnaapput.

Uppernarsaateqarnissamik piumasaqaat, imm. 1-imi kiisalu § 21, imm. 3-mi taaneqartoq atuuppoq.

*Imm. 3.* Sukkulluunniit inuussutissalerinermi nalunaarummi atuuttumi piumasaqaatit, kalaalimineerniarfimmi uumasunik tunisinermi tuniniaanermilu eqquutsinneqassapput aamma taakku piffissami piniarfiusumi kiisalu piffissap piniarfiusup qaangiunnerani sivisunerpaamik ulluni pingasuni taamaallaat atuutissapput. Taamaattoq uumasut aalajangersimasut tunisassiornermiillu aalajangigaasut mininneqarsinnaapput.

*Imm. 4.* Pisat suliarinissaannut, atornissaannut, tuninissaannut tuniniarnissaannullu maleruagassanik ersarinnerusunik Naalakkersuisut aalajangersaasinnaapput, matumani uumasut unioqqutitsilluni pisat imaluunniit imminut illersorniarluni uumasut pisat iluitsut ilanngarnikulluunniit, pisortat suliffeqarfiutaannut imaluunniit najukkami innuttaasunut agguanneqassanersut aalangiisinnaanerat ilanngullugu.

*Imm. 5.* Suliffeqarfinnut, paaqqinnittarfinnut neriniartarfinnullu toqqaannartumik tunisisinnaanermut piumasaqaatit, pingaarnertut tunisassiortutut pikkorissartoqarnissaa pillugu maleruagassanik Naalakkersuisut aalajangersaasinnaapput, tak. § 21, imm. 3-6.

#### *Ataatsimoorluni piniarneq*

§ 23. Ataatsimoorluni piniarnerup ingerlanneqarnissaa pillugu maleruagassanik ersarinnerusunik Naalakkersuisut aalajangersaasinnaapput.

*Imm. 2.* Ataatsimoorluni piniarnermut atatillugu peqatigiiffiit kattuffiillu ataatsimoorluni piniarnerup aqutsisussaanik toqqaanissamik Naalakkersuisut pisinnaatissinnaavaat.

*Imm. 3.* Ataatsimoorluni piniarnermi peqataanissamut sukkuulluunniit piumasaqaatit atuuttut naapertorlugit, ataatsimoorluni piniarnermi peqataasutut allatulli, piumasaqaatit ataatsimoorluni piniarnermi aqutsisup eqquutsissavai.

*Imm. 4.* Inatsisartut inatsisaat una malillugu tassanilu maleruagassat aalajangersarneqarsimasut malillugit piniarnerup ingerlanneqarnissaa, ataatsimoorluni piniarnermi peqataasut tamakkerlutik akisussaaffigaat. Inatsisartut inatsisaanni maleruagassat naapertorlugit nalunaaruteqarnissaq pisimangippat, nalunaaruteqanginnermut tassunga peqataasut tamakkerlutik akisussaasuupput.

#### *Piniariaaseq aallaaniariaaserlu*

§ 24. Timmisartut, qulimiguullit qamutillu motorillit matumani qamuteralaat ATV-llu ilanngullugit kiisalu angallatit uuttuutaat malillugu 15 meterinit takinerusut uumasorlu 500 meterimik qaninnerugaanni, aallaaniarnerup ingerlanerani imaluunniit piniarfiimmut

piniariarfimmiillu assartuutitut atorneqassanngillat. Taamaattoq uumasunut pisassiiffiusartunut immikkuullarissunut atatillugu angallatit angissusissaat pillugu allanik aalajangersagaqarsinnaavoq. Piniarnermi aallaaniarnermilu drone-t atorinissaat inerteqqutaavoq.

*Imm. 2.* Uumasunik piniarneqartumik aalajangiiniarnermi toqunartut, nammineq seqqortussiat, kiisartut, nigarsiniutit teknikikkulluunniit atortut allat atorinissaat inerteqqutaavoq. Tamannali piniakkanut imaaniittunut atuutinngilaq, taakku tuukkaq imaluunniit atortulersuut assingusoq atorlugu aalajangersorneqarsinnaammata kiisalu puisinniarnermut aamma qilalukkanik qaqortanik qernertanillu piniarnermut qassutit atorneqarsinnaammata.

*Imm. 3.* Piniarnermi aallaaniarnermilu aallaasit eqqarasuartaatit eqittaannartakkallu atorinissaat inerteqqutaavoq, taamaattoq tak. imm. 4.

*Imm. 4.* Uumasut piniakkat, nunap immikkoortuisa piffissallu ilaannut § 7 malillugu inuussutissarsiutigalugu piniarnermut aallaaniarnermullu aallaasit eqittaannartakkat atorneqarnissaannut akuersissutinik tunniussisarnermut maleruagassanik Naalakkersuisut saqqummiussisinnaapput.

*Imm. 5.* Uumasunik aalajangersimasunik aallaaniarnermi piniarnermi atortut suut kiisalu periutsit suut atorneqartarnissaannut maleruagassanik Naalakkersuisut aalajangersaasassapput, matumani aallaasit kaliberit sakkukinnerpaaffissaat kiisalu aallaasit imassaasa suunissaat angissusissaallu ilanngullugit.

*Imm. 6.* Pisap neqaa tamakkerlugu, mattaa, orsua, amia allallu atorneqarsinnaasortai tamakkerlugit piniariarfimmiit angerlaanneqassapput qimatulineqassallutilluunniit. Piniariarfiup pilaffiilluunniit qimannissaa sioqqullugu perlukut sapinngisamik peerneqassapput.

### *Kommunimi ingerlatsineq aqutsinerlu*

**§ 25.** Inatsisartut inatsisaat una malillugu maleruagassanik saqqummiussinermut atatillugu aqutsisuusutut ingerlatsinissamik pisariaqartumik isumaginninnissaq Naalakkersuisut kommuninut piumasarisinnaavaat, matumani aamma kommunip ileqqoreqqusaa aqutigalugu najukkami ingerlatsinermi uumasogatigiiaanik nunalluunniit immikkoortuanik, uumasogatigiiaat siammarfigisimasaannik, aqutsineq ilanngullugu.

*Imm. 2.* Pisassiissutit pisarineqarsimanngitsut agguanneqaqqinnissaannut akisussaaffik kommuninut Naalakkersuisut tunniussinnaavaat.

*Imm. 3.* Piniarnermut Siunnersuisoqatigiit kattuffiillu pineqartut allat tusarniaaffigerisa kingorna, Inatsisartut inatsisaat una malillugu ingerlatsineq, nunap immikkoortuanut killilikkamut tunngasoq, tamakkiisuusoq ilaannakuusorluunniit kommunip ingerlatsivianut Naalakkersuisut tunniussinnaavaat.

*Imm. 4.* Ingerlatsinerup kommunimut tunniunneqarneranut piunasaqaatit Naalakkersuisut aalajangersarsinnaavaat, tak. imm. 3.

*Imm. 5.* Naalackersuisunit piginnaatitsissut malillugu kommunimut imm. 1 naapertorlugu kommunip ileqqoreqquusaa aqquutigalugu kommunalbestyrelsit maleruagassiorparput, Naalackersuisunit atuuttussanngortinneqartartunik.

#### **Kapitali 4**

*Pisat uumasullu nujuartat pillugit misissuinerit aamma kisitsisit takussutissat*

§ 26. Aalajangersakkat Inatsisartut inatsisaat una imaluunniit taanna naapertorlugu saqqummiunneqarsimagaluarpataluunniit, nunap uumasunik piniarneqarsinnaasunik pisuussutaanik imaluunniit ilisimatusarnermi misissuinermut ilaasumik misissuinerup ilaatut, piniarnissamut aallaaniarnissamullu akuersissummik Naalackersuisut tunniussisinnaapput.

*Imm. 2.* Uumasut nujuartat pisuussutit piujuarnissaat imaluunniit ingerlatsinermi anguniakkap qulakkeernissaat siunertarineqarsimappat, uumasut aalajangersimasut toqunneqarnissaat pillugit maleruagassanik Naalackersuisut saqqummiussisinnaapput.

*Uumasunik nujuartanik nikeriarsinnaajunnaarsitsineq, ungoorineq, suliaqarneq aamma pinngortitamut inissiineq*

§ 27. Uumasunik nujuartanik nikeriarsinnaajunnaarsitsineq, ungoorineq, suliaqarneq aamma pinngortitamut inissiineq kiisalu aallaaniarsinnaaneq imaluunniit allatut inuussutissarsiutigalugu atuinissaq siunertaralugu uumasogatigiiiaanik pilersitsinissaq siunertaralugu uumasunik pinngortitamut inissitanik ingerlatsineq pillugit maleruagassanik Naalackersuisut saqqummiussisinnaapput.

*Kisitsisit takussutissiat*

§ 28. Naalackersuisut maleruagassanik saqqummiussisinnaapput matuma kingorna §-it 7 aamma 9 malillugu piniarnermut allagartamik kiisalu § 16 malillugu akuersissummik piginnittut pisat qassiuneri pillugit paasissutissanik tunniussaqaassapput kiisalu uumasogaassutsip nalilersuiffiginissaanut ingerlatsinermullu atugassanik misiligutissanik uumasuneersunik tunniussisassallutik. Nalunaarsuiffik uumasuniillu misiligutissat piniakkap pisarineqarfianut kommunimut tunniunneqassapput, taassuma apuunneqarfissaanut nassiussineq isumagissammagu.

*Imm. 2* Ataatsimoorluni piniarnermi pisamik nalunaaruteqarnermi, ataatsimoorluni piniarnermut aqutsisutut toqqarneqarsimasumit, nalunaaruteqarnissamut akisussaasuusumit ataasiinnarmut pisat nalunaarutigineqassapput, assersuutigalugu akuersissummik piginnittumut, piniaqataasimasut tamarmiusut aqqi inuttullu normui nalunaarutigalugit. Immersugassaq una tassatuaavoq nalunaaruteqarnissamut akisussaasup Piniarneq-mut pisanik nalunaaruteqarnermini atugassaa.

§ 29. Ilisarnaatit, qalipaait, radiukkut qaammataasakkullu nassitsissutit kiisalu ilisarnaatit allat uumasunit nassaaneersut toqtaneersulluunniit nassiunneqassapput uunga,

Pinngortitaleriffik, Postboks 570, 3900 Nuuk, tassunga ilanngunneqassapput uumasq sumi qangalu pisarineqarsimangikkuni nassaarineqarsimanersoq pillugit paasisutissat.

## **Kapitali 5**

### *Uumasut akornutit*

§ 30. Uumasut kiisortut, assersuutigalugu nanoq, amaroq imaluunniit terianniaq, qammarnissaat, ugartornissaat, malersornissaat imaluunniit allatut akornusersornissaat inerteqqutaavoq, taamaattoq tak. imm. 2, taanna:

- 1) Inunnut, uumasuutitut imaluunniit uumasunut allanut navianartorsiortitsippat akornutaappalluunniit imaluunniit
- 2) Illuutit pigisalluunniit ajoqusersinnaanerannik nassataqarpat.

*Imm. 2.* Uumasut kiisortut imm. 1-imi taaneqartut ugartornissaat malersornissaallu inerteqqutaangilaq, tamanna inuit najugaqarfianniit uumasumik kiisortumik unioqutitsisuunngitsumik aallaaniarnermut imaluunniit qimaatitsiniarnermut atatillugu pisimappat, tak. imm. 3.

*Imm 3.* Politiit, piniarnermik nakkutilliisut, kommunefogedit, inuilluunniit allat pisinnaatinneqartut uumasunik kiisortunik sumiiffimmiit qimaatitsiniartut, ungoorineranni akornusersornissaat inerteqqutaavoq.

*Imm. 4.* Uumasut kiisortut drone-t atorlugit filmiliarineqarnissaat allatulluunniit malersornissaat inerteqqutaavoq, drone atorneqartoq uumasunik kiisortunik qimaatitsiniarnermut atorneqarsimangippat.

*Imm. 5.* Uumasut akornutaasut qimaasaarnissaannut toqunneqarnissaannullu piunasaqaatit pillugit maleruagassanik Naalakkersuisut saqqummiussisinnaapput, matumani inuup inuuneranik, peqqissusianik pigisaanillu, pisortat pigisaannik kiisalu angallannikkut attaveqaatitigullu pissutsinik qularnaarinissaq siunertaappat.

### *Ajornartorsiornermi pisinnaatitaaffik imminullu illersorneq*

§ 31. Uumasq ajornartorsiornermi pisinnaatitaaffeqarnerup imaluunniit imminut illersornerup malitsigisaanik toqunneqartoq, tak. manna pillugu pinerluttulerinermut inatsimmi maleruagassat, uumasq tamakkerlugu Kalaallit Nunaanni Namminersorlutik Oqartussanut tunniunneqassaaq. Ajornartorsiornermi pisinnaatitaaffimmik atuinermi imminullu illersornermi uumasup pisap tamarmiusup ilanngarnikuusulluunniit qanoq passunneqarnissaa pillugu Aalisarnermut, Piniarnermut Nunalerinermullu Naalakkersuisoqarfik aalajangiisarpoq.

*Imm. 2.* Ajornartorsiornermi pisinnaatitaaffimmik atuinermi imminulluunniit illersornermi toqutsisoqartillugu inuk uumasumik toqutsisoq, kinguarsaanertaqanngitsumik Aalisarnermut, Piniarnermut Nunalerinermullu Naalakkersuisoqarfimmu tamanna pillugu nalunaaruteqassaaq.

## **Kapitali 6**

## *Piniarnermut siunnersuisoqatigiit*

§ 32. Kattuffinniit suliffeqarfinniillu, piniarnermut aallaaniarnermullu akuusartunik, inuttaqartumik Piniarneq pillugu siunnersuisoqatigiinnik Naalakkersuisut ivertitsisinnaapput.

*Imm. 2.* Piniarnermut Siunnersuisoqatigiit katitigaanerat ilaasortaasullu amerlassusissaat pillugit maleruagassanik Naalakkersuisut aalajangersaasarput.

*Imm. 3.* Suliani ataatsimut isigalugu § 2, imm. 2-3-mut, §-inut 7-mut 9-mullu kiisalu §-it 14-25-imut tunngassuteqartuni, Piniarnermut Siunnersuisoqatigiit tusarniaaffiginissaanut Naalakkersuisut pisussaaffeqarput.

*Imm. 4.* Apeqqutini kinguartinneqarsinnaanngitsuni, imm. 3-mut ilaasuni, Piniarnermut Siunnersuisoqatigiinni ilaasortat tamakkerlugit allakkatigut tusarniaaffiginissaat Naalakkersuisut ingerlassinnaavaat. Siunnersuisoqatigiit ataatsimiinnissamut peqataasinnaanngippata allakkatigut tusarniaaneq atorneqarsinnaavoq.

## **Kapitali 7**

### *Nakkutilliineq*

§ 33. Nakkutilliisutut oqartussaasoq, matumani piniarnermik aalisarnermillu nakkutilliisut ilanngullugit, piniarnermi aallaaniarnermilu angallatinik nunakkoorutinillu kiisalu piniarnermut aallaaniarnermullu angallassissutinik nunakkoorutinillu unitsitsisinnaavoq angallammullu ikilluni sulinermi iliuusissanik suliaqariartorluni. Nakkutilliisutut oqartussaasup ilaatigut angallatip nunakkoorutillu aamma assingusut uppernarsaatitaanik misissuisinnaavoq aamma piniarnermut aallaaniarnermullu atortunik misissuisinnaalluni. Piniarnermut aallaaniarnermullu atortunik sulinermi misissugassanik pissarsisinneqarnissaq nakkutilliisutut oqartussaasup piumasarisinnaavaa.

*Imm. 2.* Nakkutilliisutut oqartussaasoq angallatinut nunakkoorutinullu, tak. imm. 1, Kalaallit Nunaanni umiarsualimmut aamma sumiiffimmut il.il. toqqakkamut ingerlaqqusilluni peqqusisinnaavoq, misissuinissaq imaluunniit pisanik atortunillu usingiarnissaq siunertaralugit.

*Imm. 3.* Nakkutilliinermik oqartussaasoq inuillu allat pisinnaatitaasut taamalu iliornissamut Naalakkersuisunit toqqarneqarsimasoq, kinaassutsimut uppernarsaammik atuuttumik aamma inummut piniarnermik aallaaniarnermillu ingerlatsinissamut pisinnaatitaasumut akuersissummik saqqummiussinissamik piumasaqaateqarsinnaavoq.

*Imm. 4.* Piginnaatitsissutit imm. 1 - 3-mi taaneqartut, siumoortumik eqqartuussiviup aalajangiussaanic peqanngikkaluarluni kinaassutsimut uppernarsaammik pissusissamisoortumik takutitsinikkut isumagineqarsinnaapput.

*Imm. 5.* *Imm. 1-3* malillugit nakkutilliinermik oqartussaasup imaluunniit inuup immikkut pisinnaatitaasup piginnaatitaaffii suliaassaalu pillugit maleruagassat Naalakkersuisut ersarinnerusumik aalajangersarsinnaavaat.

§ 34. Nakkutilliinermut oqartussaasumut angallatip sumiiffianik, sammivianik sukkassusianillu nassiussuisartumik, angallatit malinnaaviginerannut atortulersuummik ikkussinissaq angallatinut piniariutunut Nakkutilliinermik oqartussaasup piumasarisinnaavaa.

*Imm. 2.* Angallammik malinnaaviginninnermut atortulersuut taassumalu atorneqarneranut piumasaqaatinut malittarisassat Naalakkersuisut aalajangersarsinnaavaat.

§ 35. Nakkutilliinerup ingerlannissaa pisariaqarpat Nakkutilliinermut oqartussaasoq uku pillugit nalunaaruteqarsinnaavoq:

- 1) tulaassivissat imaluunniit pilaffissat pillugit naalakkiissutit inerteqqutillu,
- 2) tulaassivissatut piffissaliussat imaluunniit pilaffissatut piffissaliussat pillugit naalakkiissutit inerteqqutillu,
- 3) piniarnermi tulaassinermilu nakkutilliinermik oqartussaasup najuunnissaa pillugu naalakkiissut aamma
- 4) siumoortumik pisat oqimaalutarnissaannik nalunaaruteqarnissaq kiisalu oqimaalutaaneq oqimaaluttat uuttuutillu akuerisaasut atorlugit ingerlanneqarnissaa pillugit naalakkiissut.

§ 36. Inatsisartut inatsisaannik uuminnga imaluunniit Inatsisartut inatsisaat una naapertorlugu maleruagassat saqqummiunneqarsimasut eqquutsinneqarnerannik nakkutilliinissaq pisariaqartinneqarpat, suliffeqarfinnut, angallatinut nunakkoorutinullu, siumoortumik eqqartuussiviup aalajangiussaannik peqanngikkaluarluni kinaassutsimut uppersaammik pissusissamisoortumik takutitsinikkut, Nakkutilliinermik oqartussaasoq sukkulluunniit ikisinnaavoq.

*Imm. 2.* Pigsat Inatsisartut inatsisaannik uuminnga taannalu naapertorlugu malittarisassanik aalajangersarneqartunik unioqquitsinermut atorneqartut pasitsaassisoqarsimappat, nakkutilliinermut oqartussat kinaassutsimik uppersaat pissusissamisoortoq atorlugu aamma eqqartuussisunit aalajangiiffiqineqanngitsumik inuit illuutaannut piffissami sukkulluunniit isersinnaapput.

§ 37. Inatsisartut inatsisaata aalajangersagartaannik kiisalu Inatsisartut inatsisaat una naapertorlugu aalajangersakkat saqqummiunneqarsimasut eqquutsitsisoqarnerannik nakkutilliineq pillugu maleruagassanik Naalakkersuisut saqqummiussinnaapput.

*Imm. 2.* Pisanik, Inatsisartut inatsisaat malillugu maleruagassiaanut akerliusumik pisarinqarsimasinnaasunik, tunniussinissap, nassiussinissap tunisinissallu pinngitsoortinnissat siunertaralugu maleruagassanik Naalakkersuisut saqqummiussinnaapput, makku ilanngullugit:

- 1) Pisat tigueqarsimanagerat pillugu paasissutissanik tunniussinissamut pisussaaffik.
- 2) Inunnit, piniarnermik aallaaniarnermillu ingerlatsinissamut pisinnaatitaanngitsunit, pisanik taassumaluunniit ilaanik tigusinissaq pillugu inerteqquteqarneq.
- 3) Pisassiissutit nungunneqareernerisa kingorna, uumasunik eqqissisimatitanik imaluunniit uumasunik pisassiiffiusartunik pisat taakkualuunniit ilaanik tigusinissaq pillugu inerteqquteqarneq.

*Imm. 3.* Piffissap eqqissimatitsiffiusup kingorna ullualuit qaangiunnissaasa tungaannut, pisat piffissap eqqissimatitsiffiup avataani pisarineqarsimasut suliarineqarsimanngitsut pillugit maleruagassanik aalajangersaasuusunik Naalakkersuisut saqqummiussisinnaapput. Matumunnga ilanngullugu piniakkat ataasiakkaat pillugit nalunaarutini ataasiakkaani oqariartaaseq, pisat suliarineqarsimanngitsut, qanoq paasisariaqarneris pillugu ersarinnerusumik Naalakkersuisut nassuiaateqarsinnaapput.

## **Kapitali 8**

### *Iliuuseqarnerit*

**§ 38.** Akiliisitaanermik kinguneqarsinnaapput:

- 1) Inatsisartut inatsisaanni § 6, imm. 1-ianik, § 12, imm. 1-ianik, § 16, imm. 1 aamma 2-anik, § 20, § 21, § 22, imm. 3-anik, § 23, imm. 3–4-anik, § 24, imm. 1-3-nik aamma imm. 6-ianik, § 28, imm. 1-2-anik aamma § 30, imm. 1, 3 aamma 4-nik aamma malitassat § 13, imm. 6, § 15, imm. 1, § 16, imm. 4-6-ianik, §-it 17-19, § 22, imm. 4-5, § 23, imm. 1, § 24, imm. 5, § 27, § 28, imm. 1, § 30, imm. 5, § 34, imm. 2 aamma § 37, imm. 3 naapertorlugit aalajangersarneqarsimasunik unioqqutitsinerit,
- 2) §-it 33-37-t malillugit piumasagaatip eqquutsinnissaa pisimanngippat,
- 3) Inatsisartut inatsisaat naapertorlugu akuersissummut imaluunniit Inatsisartut inatsisaat malillugu maleruagassat saqqummiunneqarsimasut ilaginnarneqarpata aamma
- 4) Inatsisartut inatsisaanni piumasarineqartunik imaluunniit Inatsisartut inatsisaat malillugu maleruagassat saqqummiunneqarsimasut naapertorlugit pisortanut oqartussaasunut eqqunngitsunik salloqittaataasunilluunniit paasisutissiisoqarpat.

*Imm. 2.* Inatsisartut inatsisaat malillugu maleruagassanik, maleruagassanik aalajangersakkanik unioqqutitsineq akiliisitsinermik kinguneqarsinnaasoq aalajangersarneqarsinnaavoq .

*Imm. 3.* Inatsisartut inatsisaat imaluunniit maligassat atuutilersinneqartut Inatsisartut inatsisaat akiliisitsissummik aalajangersaanissamik tunngavissaqartitsippata, akiliisitsissut Kalaallit Nunaanni Pinerluttulerinermi inatsimmi kapitali 5-imi malittarisassat malillugit inatsisitigut pisinnaatitaasoq pisussaataasorlu akiliisitsissummut akileeqqullugu peqquneqarsinnaavoq.

*Imm. 4.* Inatsisartut inatsisaannik uannga imaluunniit taanna naapertorlugu maleruagassanik saqqummiunneqarsimasunik unioqqutitsinerit angallat imaluunniit nunakkoort atorlugu piliarineqarsimasunut tunngatillugu, angallammik piginnittoq imaluunniit atuisoq akiligassamut akiliisussatut peqquneqarsinnaavoq, naak unioqqutitsineq piaaraluni mianersuaalliorluniluunniit iliornerit pineqartumut tutsinneqarsinnaanngikkaluartoq.

**§ 39.** Inuk § 38, imm. 1-2-mi taaneqartunik maleruagassanik piaaraluni imaluunniit arlaleriarluni mianersuaalliorujussuarnikkut unioqqutitsisarsimasoq, pissutsit iliuuserisimasat malitsigisaannik inuup pineqartup siunissami illersorneqarsinnaasumik aallaaniarnermik ingerlatsisinnaannginneranik isumaqalersitsisimappata, piniarnermut allagartamik peqarsinnaanermut pissarseqqissinnaanermulluunniit pisinnaatitaaffik annaaneqarsinnaavoq.



Inummut aallaaniartilluni piaaraluni imaluunniit arlaleriarluni mianersuaalliorujussuarnikkut inummik allamik ajoqusiiimasutut imaluunniit navianartorsiortitsisimasutut pisuussuteqartumut tamanna aamma atuuppoq.

*Imm. 2.* Inuup piniarnermut allagartamik pissarsisinnaajunnaartitaasimasup imaluunniit inuup § 15 imaluunniit § 16, imm. 4 naapertorlugu piniarnermut allagartaanik arsaarneqarsimasup, piniarnermut allagartaq kommunip allaffianut tunniutissavaa.

*Imm. 3.* Piniarnermut allagartamik arsaagaaneq pineqaatissinneqarnerup aallartinneranit naatsorsorlugu ukioq ataatsimiit ukiut tallimat tikillugit sivissuseqarsinnaavoq, allatulluunniit aalajangiisoqarnissaata tungaanut. Allagartaajagaaneq allatut aalajangiisoqarnissaata tungaanut pisimappat, ukiut tallimat qaangiunneranni allagartamik arsaagaasimasup qinnuteqarneratigut, arsaagaaneq pillugu suliaq unnerluussisussaataasumit eqqartuussivinnut suliaassanngortinneqarsinnaavoq. Piniarnermut allagartartaarsinnaajunnaarsitsilluni aalajangiisoqarpat apeqqut eqqartuussivinnut suliaassanngorteqqinneqarsinnaavoq, taamaattorli siusinnerpaamik ukiut marluk qaangiunneranni.

**§ 40.** Inatsisartut inatsisaannik uuminnga imaluunniit taanna naapertorlugu malitassanik saqqummiunneqarsimasunik unioqquutitsilluni angallatit nunakkoortulluunniit atorneqarsimasut ilimanaateqarpat, akiliisitsinermik imaluunniit arsaarinninnermi kinguneqartitsisoqarsinnaavoq, nakkutilliinermillu oqartussaasumit taakku tigummigallaraneqarsinnaapput. Nakkutilliinermik oqartussaasup suliniutigisaanik tigummigallagaqarneq, eqqartuussisarneq pillugu inatsimmi kapitali 37, arsaarinnittarnermut tunngasoq, naapertorlugu pissaaq.

*Imm. 2.* Kalaallit Nunaata aalisarnermut imartaani unioqquutitsisoqarsimasoq ilimanaateqarsimappat, nunami allamiut angallataataat Kalaallit Nunaata aalisarnermut imartaata avataani taamaallaat unitsinneqarsinnaavoq, misissorneqarsinnaavoq tigummigallaraneqarsinnaallunilu. Angallatip aalisarnermut imartamiinnerata nalaanili malersuineq aallartinneqarsimassaaq matumalu kingorna unitsinneqanngitsumik ingerlanneqarsimassalluni.

*Imm. 3.* Iliuserineqartoq pillugu inuk pineqartoq qinnuteqarpat, suliaq piaartumik kingusinnerpaamillu nalunaaquttap akunneri 72-it ingerlaneranni politii eqqartuussivimmu saqqummiutissavaat taassumalu iliuuserineqartoq akuerineqarsinnaanersoq aalajangiiffigissavaa. Kalaallit Nunaata eqqartuussivianut suliamik suliaassanngortitsineq.

**§ 41.** Eqqartuussinerup imaluunniit akiligassiisoqarnissaanik aalajangiinerup kingorna, angallat nunakkoortulluunniit, atortui tamaasa ilanngullugit, § 40 malillugu tigummigallaraneqartoq, akiligassiinermut akiligassat arsaarinnissutigineqartullu nalingi suliaassallu suliarineranni aningaasartuutaasut akilerneqarnissaasa imaluunniit akiligassat qularnaveeqqusernissaasa tungaannut aamma § 44 malillugu iliuusissat naammassineqareernissaasa tungaannut tigummigallaraneqarsinnaavoq. Suliap inaarutaasumik aalajangiivigineqarnerata kingorna qaammatit marluk ingerlaneranni tamanna pisimangippat, angallammit atortuiniillu naammassissutiginninnissaq qinnutigineqarsinnaavoq.

*Imm. 2.* Angallammik atuisimasoq taassuminnga pisinnaatitaanani atuisimappat imm. 1-imiittut maleruagassat atorreqarsinnaanngillat.

**§ 42.** Unioqqutitsineq akiliisitsinermit qaffasinnerusumik kinguneqartinneqassanngitsoq isumaqarfigineqarpat, Naalakkersuisut nalunaaruteqarsinnaapput, inuk pineqartoq unioqqutitsinermit pisuusutut nassuerpat piffissaliunneqartullu ersarinnerusup ingerlanerani, sivitsuinissap qinnutiginerata kingorna, akiligassap nalunaarummi allanneqarsimasup akilernissaanut piumasuseqarluni nassuerpat, suliaq eqqartuussivimmi suliarineqanngitsumik aalajangiiffigineqarsinnaasoq. Tamatuma iluseqataanik arsaarinnittoqarnissaanik piumasqaateqarnej, matumunnga ilanngullugu pigisanik nalilinnik arsaarinninneq, eqqartuussivimmi suliarineqanngitsumik aalajangiiffigineqarsinnaavoq.

**§ 43.** Suliani allaffissornikkut suliarineqartuni, tak. § 42, Kalaallit Nunaanni Eqqartuussisarnej pillugu inatsimmi § 347, imm. 1 taamatuttaaq atorreqartassaaq.

**§ 44.** Kalaallit Nunaannut pinerluttulerinermit inatsimmi arsaarinnittarnej pillugu maleruagassat, Inatsisartut inatsisaanni uani taamaaqataanik atorreqarput.

*Imm. 2.* Taamaattorli angallat nunakkoorulluunniit atorlugu unioqqutitsilluni piniarnermit, piniarnermut atortunik atorreqarsimasunik, angallatip nunakkoorutilluunniit pisaanik taakkualuunniit nalinginik arsaarinnittoqarsinnaavoq, mininneqarsinnaappulli pisat unioqqutitsinani ingerlatsinermeersutut uppersarnejarsinnaasut.

*Imm. 3.* Pisuni pisat pillugit paasissutissanik amigartorujussuarnik imaluunniit arlaleriarluni amigartunik paasissutissanik tunniussisoqarsimatillugu, angallammik nunakkoorummilluunniit taassumaluunniit nalinganik arsaarinninneq pisinnaavoq.

*Imm. 4.* Inatsisartut inatsisaani uani malittarisassat atuutilersinneqartut naapertorlugit aalajangersakkanik unioqqutitsineq akiliisitsinikkut pineqaatissiinermit kinguneqarsinnaasoq aalajangersarnejarsinnaavoq, takukkit imm. 1-3.

**§ 45.** Pisat imaluunniit pisat nalingi imaluunniit taakku ilaannaat arsaarinnissutigineqarpata, arsaarinninnermut atatillugu piniariarnermit allamit pisanut taarsiullugit pisat immikkoortinnissaat nalunaaqutsernissaallu angallammut nunakkoorummulluunniit aamma nakkutilliinermit oqartussaasumit nalunaaqutsernejarnissaat akuerissagaa peqqussutaasinnaavoq. Taama iliornikkut pisat nalingi arsaarinnissutigineqarsimasut pisallu allat akulerussuunneqarsinnaanerit pinngitsoortinneqarsinnaanngippat, pisat nalingi arsaarinnissutigineqarsimasut sumiiffimmu aalajangernejareersumut ingerlanneqassasut angallammut nunakkoorummulluunniit peqqussutigineqarsinnaavoq.

*Imm. 2.* Kalaallit Nunaata nunakkut aalisarnikkullu oqartussaaffigisaani angallat nunakkoorulluunniit inassisimappat, pisanik immikkoortiterineq nalunaaqutsiinerlu attatiinnarnejarsimassapput.

§ 46. Inatsisartut inatsisaat una imaluunniit taanna naapertorlugu maleruagassat saqqummiunneqarsimasut naapertorlugit akiligassiinerit arsaarinninnerillu, Nunatta Karsianut tunniunneqassapput.

### **Kapitali 9**

#### *Atuutilersitsinermut aamma ikaarsaariarnermut aalajangersakkat*

§ 47. Inatsisartut inatsisaat ulloq 1. januar 2020-mi atuutilissaaq.

*Imm. 2.* Ilutigisaanik Piniarneq aallaaniarnerlu pillugit Inatsisartut inatsisaat nr. 12, 29. oktober 1999-imeersoq kingusinnerusukkut allannguutinik ilaqartoq atorunnaarsinneqarpoq.

*Imm. 3.* Piniarneq aallaaniarnerlu pillugit Inatsisartut inatsisaat nr. 12, 29. november 1999-imeersoq naapertorlugu imaluunniit siusinnerusukkut piniarneq aallaaniarnerlu pillugit maleruagassat saqqummiunneqarsimasut attatiinnarneqassapput, atuutissappullu Inatsisartut inatsisaat una imaluunniit inatsisartut inatsisaat allat naapertorlugit suliarineqarsimasut aalajangersakkat atorunnaarsinneqarnissaasa tungaanut.

*Namminersorlutik Oqartussat, ulloq xx.xx. 2019*

Kim Kielsen